

黔陽縣志卷三十五

列傳

治行 獨行

武勳 任俠

忠義 耆壽

孝友 方技

儒宿 釋道

文學 流寓

史傳人物所以著其功業之遠且大者然獨行隱逸亦不絕書謂求志達道事異而理同耳黔陽五代以前不可攷至宋始有其人明代迄今寢盛而滋詳焉乃如班史所云草萊片善及姚志所言自幸無過者皆亟登之不幾於濫乎雖然賢人長者懿德美行湮沒多矣韓五泉之所重為深惜也則亦安知不有如五泉之說耶謹詳編舊志別新增於後志人物而以列傳統之

治行傳

邑多樸幹之士凡出身加民者類能實心忠愛顧

國朝二百餘年前此科第寥寥不得顯用者多矣故政事少聞焉

黔陽縣志

卷第三十五

治行傳

一

嚙

自嘉慶時楊氏兄弟起始代以卓行著茲錄數人其樸幹之尤者

明 曠彥溫洪武中知樂平縣毫髮不苟取教民以勤常微行村

落見紡績力作者輒加獎賚而惰者競勸一夕夜出適民間會飲

歡劇一人舉最潔清酒屬客曰此可比曠知縣也且詰之皆愕然

在任五年多惠政

攷通志 補入

劉榮永樂四年貢知山西屯留縣為政簡靜深得民心

舊志

向義正統五年貢銓授山東范縣令廉勤有為愛民勸學

舊志

危嶽字繼申登嘉靖乙丑進士性穎敏以春秋啟迪後學長遊國

子監思親不忘每告假侍養初任吉安府推官廉慎律身明允斷

獄屬邑安福田糧數為豪強所欺匿命往覆丈量盡祛隱弊觀省

全書云當時苦虛糧如水火嶽閱籍歎曰縉羅坐亨

其粟藜藿

日削其肉三尺之謂何於是行文量法禮士庶而告之曰孺子入井矣汝各宜其力焉願無吐剛無茹柔萬物一體之學與諸君共之復列疏於大吏僚友曰請無貳於浮言無搖於橫議以壞於垂成於是分野授任定三籍四壤十眾五會諸法嶽以匹馬從二吏往覈之陟巖壑犯風雨冒炎蒸弗避也既而內子歿殮之復出孤穉呱呱不遑顧恤咳且病仍視事如常時方行取以疾卒於官士民哀之立祀以祭本邑祀鄉賢

黔陽縣志 卷第三十五

治行傳

二

南雍得盡友天下士學行益修名益著大司成甘泉湛公雅器重之申戊子應天式舉己丑中羅洪先榜進士觀政戶部初授江西吉安府推官蒞吉之初精練如素宦仁以雪冤果以振滯知以照奸廉以激俗合九邑之民皆愛如父母敬如神明撫綏交薦之維時安福苦於田賦不均細民病之屢疏於朝下廷議丈羣邑莫敢任其事當道知公秉直持法弗避弗阿專檄委之公惟以均平為己任而弗恤其他別弊警情告邑士僚友以至誠眾皆翕然從之於是分野布令陳教定則夜以繼日陟岩壑冒風雨躬親督覈之功成適行取檄至未赴而公病且劇遂卒於官夫體國恤民以死勤事其賢矣哉公事二親以孝待庶弟以友其於宗族鄉黨恂恂如也遠方之士從學者甚眾公皆有以造就之其與人也是一介不苟取每以廩之餘贍鄉鄰之老而空乏者為諸生時即見重於提學霞山蔡公角川張公及登第筮仕皆能如其所學其孝友廉節之大有如此者使天假之年而竟所蘊焉其功業名位詎可量哉惜乎天厚其鍾而復奪之速也

楊正慈萬曆壬辰進士仕至四川保甯府知府方正廉介難干以

私公議舉祀鄉賢 舊志○袁淑先芳躅吟作宦歷巴西貶來水一

磨劍閣側聞比薛 逢勝蹟今猶昨

向大有萬曆丁酉舉人任浙江台州府同知有善政卒於官祀台

州名宦又祀鄉賢贈君向道敦修行誼里謠云善有善報東門向道舊志○芳躅吟善真有善報東門看向道爲告世間人孽緣不可造萬竅空中花寸心裕至寶莫求鬼神知已種宜男草蔣良拱崇正八年選貢授雲南新化州牧有善政士民愛之舊志

國朝 潘士極國學生居家孝友而嗜學康熙五十四年肄業成均考授州判繼遵例請降乾隆十一年授崑山縣丞志行廉潔居官自奉多取給於家時淮徐水災公奉檄往視安輯居民分別賑濟民至今歌思之蒞崑六載以母病乞歸已上舊志以下新增

楊兆杏字春暉一字晴園祖文賜始由雲南崑明縣家黔陽有傳見流寓父洪翁兆李俱自有傳兆杏充乾隆己酉科拔貢嘉慶二年考取八旗官學明年戊午中京兆試舉人四年充鑲白旗教習報滿部選湖北武昌縣知縣調授建始歷署宣恩利川恩施等縣二十三年因監犯自戕解任既事白免議署應城江陵等縣道光

黔陽縣志

卷第三十五

治行傳

三

元年補通山六年委解甘肅軍餉十二年委解高錫十三年署漢陽府通判所蒞撫以寬仁勤於聽斷在建始民多溺女作文勸之犯者以故殺律論所活無算議修南門外大橋或言不利於杏曰官以爲民利矣吾何憂毅然行之後雖如其言不悔在恩施開塘堰修河隄藝山種廣儲社穀由是地不憂旱通山多積案奸猾擇人而噬期年清結千數百件無枉縱多盜捕其魁誅之餘教以謀生予製條約反覆勸誡庚寅夏大水杏冒暑濕力行賑恤民忘其患斷某孀婦案兩姓辦香生祀所宰多山邑至卽嚴立書院課程捐置膏火暇輒與諸生講解批抹尤以實行相期由是士習端文風亦漸興大邑埒性篤學夙號通儒歷充湖北鄉試壬午乙酉壬辰同考官皆稱得人弱冠時如錢學使禮紀尙書昫趙佑羅典皆巨儒交口延譽嘗主本郡縣書院邑久無甲科至是易良俶

陳道隆相繼成進士倣選河南知縣杏訓以官湏自己倣遽訝其
言杏曰倣好官闔邑人大便闔署人大不便好官不自作主誰代
汝倣誰許汝倣者後果著循聲生平不計家人產在應城爲前屬
建始典史章鴻捐復其官通山典史葉書歿於任並資遣其家屬
回籍他善舉與衣稱貸曰吾以求心之所安而已解組時年六十
八囊橐蕭然晚就養弟兆李汝州官舍兄弟怡怡白首相對人恆
以清白吏目之卒年七十二 勅授文林郎

楊兆李字仲燮一字夢蓮楊洪次子爲叔潤嗣幼從其兄兆杏受
學遇事指授輒悟長偕遊嶽麓京師嘗與趙文恪慎畛羅觀察琦
等以道義經濟相切劘中乾隆甲寅 恩科鄉試舉人嘉慶六
年挑發河南以倣好官誓於都門關帝廟自鐫手章曰不貪爲寶
曰勤以補拙歷權太康獲嘉臨漳考城滑縣濬縣知縣所在汲汲

黔陽縣志

卷第三十五

治行傳

四

於忠孝節烈興學校修古蹟百廢具舉十九年授真泌陽縣下車
勘斷楊貞女案豫人譜爲不垂楊傳奇至今演之重修崇聖忠義
節孝祠倡建銅峯書院調鹿邑續刊胡穉威烈女李三行詩入志
並爲重修宮室道光元年升陝州直隸州知州創建文昌宮召公
祠請增祀唐陝東道大行臺長孫公操及召南書院與義學五所
又修羊角山石室六年以運米霉變被議八年豫撫楊國楨 奏
稱官聲素好民情愛戴請捐復原官報可署光州直隸州知州信
陽州知州尋補汝州建汝陽書院置四關義學勸修城池壇廟蝗
神祠仁普堂事集而民不勞累權汝甯歸德等府知府在信陽接
武進陽湖例請建節孝總坊屢爲上司書吏所持卸事後會新藩
栗恭勤公毓美至面求刊發格式通飭各州縣期年得 旌表
萬三千有奇權歸德檄商邱縣修復微子墓垣於木蘭故里修孝

烈將軍祠其政績卓著不負初心如此嘉慶戊寅

恩科充河

南鄉試同考官所得多知名士道光甲午科乙未

恩科河南

鄉試內監試

誥授奉政大夫十八年引疾歸卒年七十有九

捐有沅州黔陽府縣學鄉試卷費永為式天性孝友所後父母早逝每逢忌日齋宿泣拜不與宴樂生母雲宜人嗜橘病垂篤醫以妨病禁之李遂終身不食橘兄兆杏官湖北負累萬計翁棻輕財好義皆分俸應其緩急無後言尤仁厚廉明鹿邑水災請粟四千餘石按戶撫綏大兵勦滑臺鞠所俘脅從全活獨多襄滑衛軍局毫不苟取同事屢加誚讓堅守如常歸德積案六百餘條三月後無留贖有某婦刁悍善訟與夫姪爭產兩次京控數年不決時以發審局會訊指其非氏頭觸李同官皆不平李引坐避之加意婉勸翌日再訊則伏地泣曰本欲蕩盡姪產耳今感公不再訟矣凡

德陽縣志

卷第三十五

治行傳

五

三歷直牧兩綰郡符必博訪周知飭屬造報一切事宜權其因革

故所在有聲晚居省垣時人繪湘中十八耆英圖齒第二可想其

德望云

附著英十八人歐陽厚均進士官浙江道御史年七十九楊兆李舉人官汝州知州年七十四唐業謙庶吉士官瑞

州府知府年七十四李象溥進士官冠縣知縣年七十三余正煥

編修官江西鹽法道年七十二鄭世俊進士官百色同知年七十

一張學尹進士官淡水同知年七十唐鑑檢討官江甯布政使年

六十七鄭世任授貢給事中官貴西道年六十四唐方煦舉人官

穎州知府年六十三李象鵬檢討官貴州布政使年六十三俞東

枝編修官廣東御史年六十一賀長齡編修官雲貴總督年六十

鄭敦亮庶吉士官宿松縣知縣年六十周樹槐進士官吉水知縣

年五十九賀熙齡編修官四川道御史年五十七丁善慶侍講學

士年五十五陳本欽庶吉士官工部員外郎軍機章京年五十五

易良俶字屏山性介而和生有異稟能日記萬言舉嘉慶庚午鄉試第一辛未成進士用知縣舊從嚴如煜方伯授以經世學凡農田河渠邊防兵法及天文地輿奇門諸書體用具悉庚辰選河南盧氏令盧故窳區為購南方茶桐種教民樹蓄修葺書院義塾置

膏火田聚城鄉生童教之聽訟主於理論不悞者始懲以法常乘一驢從一役周巡勸課三年大治道光甲申調孟縣邑濱黃河高阜平疇襟帶溝渠勸民種柳倣楚黔山溪置筒車激水注田藉資灌溉邑鮮蓋藏令里各置義倉每自捐百金爲倡不經官管孟民樂其德便聽訟課士一如盧氏時丙戌師征回部值伏秋大汎慮輜重汴流爲患請以北路所派車輛送北岸河口截正南路車輛於南岸接載豫藩入南路某守持不可程撫軍遣視允其行事賴以濟丁亥升鄧州牧州接湖北襄陽俗獷而狡倣爲治稍尙威嚴豫撫程祖洛深韙之先是嘉慶間襄陽教匪滋事里民有從賊者事平逋誅久復糾聚惡少踞柏林里廟中脅眾阻糧稅勢甚猖官不能治倣以發之速則變小而易除遲則禍且不測言於郡守守戒勿輕動城守營張備有幹略與倣議合部署兵役乘夜發比至

天漸明知爲所覺令兵役大呼州官來止拏首惡其渠率死黨突前倣爲方陣以待賊近擊踏其前隊餘潰追獲要犯數十人論如律癸巳春以親老乞歸嘗以天下徂於久安豪強叢怨姑息養奸勢岌岌不可終日而所在文恬武嬉非改弦更張之一朝變作將敗壞難以收拾故之官輒簡勇銳百名仿兵法部勒教以擊刺進退精製器械胥出私橐爲之在孟縣有劇盜十八人橫行莫制倣至卽擒治之在鄧州有泌陽捻匪數百人豫臬督兵親往檄倣前驅首惡王某聞風遁跡至偃師獲之擒斬要犯百餘人泌境以平每行信賞罰寬脅從故用力少而成功多撫軍程薦其才可禦侮然爲人質直小人多間之會程去不竟其用江華搖趙金隴叛湖南草有平糶臆說暎夷擾閩湖江南草有平夷條議俱能按切山海要阨形勢戰守方略籌畫甚精老教授後進辰沅有文譽者不

問而知出其門常言作官遇窘乏時須咬定牙齦全清白節作士不可受不義財玷終身事親色養兼至遇族姻故舊皆有恩在京師脫同年友山舟令於詔獄在豫脫塾師通山令於虧案累數百千金不惜家居十餘年母唐宜人年九十有七終俶卒年七十有一後母一年激浦嚴正基通使爲之傳父志楨以子貴

贈如其官子紹濂紹沉自有傳附嚴正基論曰先方伯公言作吏有二曰循良曰邊才時平則安靜之吏務培養地方元氣稱治有變則非爛將帥略能應變制賊死命難以弭侮亂而使之安先生兼之使得如先生數十輩參布中外則天下不至於亂卽亂亦不至如今日之甚余深悲之然先生進爲良吏退爲儒宗已章章如斯後世必有聞風起者先生第畜余余則視猶師老矣無能爲悲先生行自悲焉常于役桂林道黔兩拜先生墓下悼先生不可復作由頽木壞哲人其萎蓋歎獻不能去云

楊積煦字育菴一字和甫兆李之子生長官署而樸素如寒儒由貢生援例得通判分發河南道光十七年署汝甯府分防新息通

黔陽縣志

卷第三十五

治行傳

七

判地故盜數他官率駐新蔡煦曰若是奚設官爲借一友二僕往傲崖居嚴申保甲威德並施盜遂遠徙二十一年署鄭州知州值河決需稽料又海疆兵差絡繹煦至開諭急公民感激爭奮先是前刺史嚴正基調掌壩工旋奉諱薦煦權鄭嚴故廉貧煦仍其賓僕而盡以廉俸遺嚴俸得歸親時人兩稱之 欽使王尙書鼎

聞其政治歎曰久悉楊倅父爲中州吏師賢者有後宜哉遂列薦章時廉能旣著屢奉差委南陽浙川蝗大起民詫爲神煦徧諭設法捕之夜半過山溪人馬幾溺未嘗告勞二十三年河再決省垣危迫煦率紳弁搶護蘆花岡見難民蔽河而下亟撥護隄船迎流拯之並虛已棚分處男女自立風雨中一晝夜凡活八千餘口藩司張日晟飭各處做行之所救不可勝計水後淤地肥瘠互易設局以煦總其事乃延廉士祝頴齋居守而躬履勘丈奸黨蠹胥百

計弊混不爲撓二十七年河南北大旱檄煦查辦新鄭災賑所至
勸捐粥廠審驗戶口竭瘁殫精二十八年河南侵賑事發禹州尤
甚前牧父子遣戍煦奉檄單車入境災黎滿目疾力撫綏至忘寢
食民始慶更生在豫十四年未補一官僅以獲盜叙加三級蓋所
緝皆不及格或諷以屬印官刑求備數煦曰是何言陽條陰律顧
不足畏耶屢遇缺出則爲奧援者先得宴如也卒年五十有三以
子基善官 誥贈奉直大夫

王繼賢字翰城由廩貢生肄業國子監何文安凌漢重其人延課
諸孫旋以候補訓導援例入中書科中書前後供職十四年道光
癸卯知山西汾州府永甯州州故多獄訟不事文教初至時應試
僅百餘人乃振興學校捐廉爲課士膏火並教以詩文楷法州由
是蔚爲文藪聽斷明肅民始知畏法兩解南河饒有南河紀遊詩

黔陽縣志

卷第三十五

治行傳

八

草二卷五年卒於任樞歸咸泣送之年五十八歲 誥授奉直
大夫書法名重京師高麗屢遣使欵求在永甯石刻臨有黃庭經
蘭亭序樂毅論九成宮千字文多寶塔州之人嵌於關聖廟壁寶
愛若甘棠又自撰石室文書法興懷字學源流愛書僧記聽月泉
記詩竹雜刻惟所臨爭坐位木刻今存家子述謨訓導加理閭街
危人佐字星五性聰穎弱冠補弟子員屢薦不遇乃入貲以吏目
分發浙江委署開化借補烏程縣典史嘉慶元年補授海甯州吏
目委查烟戶悉心糾察獲何相餘黨題補會稽縣丞大吏重其勤
謹有爲代理歸安縣事居官利濟爲心士民愛之有德政屏類紀
實蹟語意懇摯可以想其入人之深

李宗第知四川巴州長才肆應而清慎愛民大吏器之卒於官
蔣仲暉字吉亭母楊氏以節著仲暉由監生援例以縣丞分發安

徽署泗州直隸州分州仁厚廉明民情愛戴歸時民獻有清官牌
萬民傘咸豐四年密岩土匪倡亂府縣鄰邑會勦暉助餉接濟並
籌畫機宜境賴以安嘗闕退思軒以自晦性篤友愛翁仲暘多病
與同卧起翁逝撫其子女成立從女適舒家落爲構房屋予莊田
二十畝年七十餘卒

曾寅光字暘谷少落拓不偶及兩兄寶光宗光以文名噪於時父
思智督責加嚴始折節讀書旋入弟子員補增生兩試不第時新
甯逆匪李沅發倡亂竄粵西乃投筆從戎以功賞給六品咸豐二
年勦辦馬平縣戕官首逆李志信選用訓導六年授靖州訓導九
年錄援黔邊防功 奏保知縣十年代理靖州學正十一年兼
理通道教諭隨於克復來鳳縣加同知銜同治二年選授四川昭
化知縣屢辦陝西軍米記功三次五年署成都水利同知旋以陝

黔陽縣志

卷第三十五

治行傳

九

西階州擒獲首逆蔡昌榮等加補用同知歷辦彭縣遂甯大案九
年署鹽源縣事十年因克復永北 奏加運同銜 賞戴花

翎以勞瘁卒於鹽源居官儉以約已勤以恤民昭化爲蜀僻壤

國朝以來鄉榜缺如又歲科縣試苦無考棚及寅光至爲擇地相
形親赴各鄉勸捐新設試院並爲修建文峰塔三所丁卯科拔貢
生姜周封舉京兆是爲昭化開科之始成都水利自秦李冰鑿離
堆分內外江灌漑成都十四屬更以深淘灘低作堰六字垂法後
世近人鑿去石山數丈水勢迅直會灌縣大水人字隄遂一決無
餘被患不淺寅光奉調修理重築人字隄風雨督工未嘗少懈遂
以復古又揣按地勢於後築橫隄以遏泛溢題名千金先是咸豐
七年蒲陽河決併歸府河寅光察其低陷特築順隄藉資捍衛題
曰玉帶嗣是屹如長城蜀人德之